

**Sidang Dewan Rakyat dilanjutkan 15 Julai**  
**Malaysiakini.com**  
**July 06, 2010**

Mesyuarat kedua penggal ketiga Parlimen Ke-12 yang sepatutnya berakhir pada 13 Julai ini dilanjutkan selama dua hari sehingga 15 Julai kerana masih ada urusan yang belum diselesaikan.

Speaker Dewan Rakyat, Tan Sri Pandikar Amin Mulia, berkata langkah itu bagi membolehkan rang undang-undang dan urusan kerajaan yang lain diselesaikan selaras dengan peruntukan mesyuarat 11(2) Peraturan Majlis Mesyuarat Dewan Rakyat.

Mengikut takwim persidangan Dewan Rakyat yang disiarkan menerusi laman web rasmi Parlimen Malaysia, mesyuarat kedua penggal ketiga itu dijadual berlangsung bermula 7 Jun hingga 13 Julai.

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/136523>